

Addire oder summire widerumb den Resten zu der abgezogenen Zahl/ wenn dann die Summa der obern Zahl gleich ist / so ist recht gemacht. In solcher gestalt/ wie hiebey zu sehen ist.

$$\begin{array}{r}
 9 \ 6 \ 9. \\
 9 \ 3 \ 0. \\
 \hline
 3 \ 9. \\
 \hline
 9 \ 6 \ 9.
 \end{array}$$

**D**abey ist zu merken: Wie das liebe Alter eine edle Gabe Gottes ist/ von Gott dem HERN zu wünschen vnd zu bitten/ denn es dienet darzu: 1. Das wir in Gottes Wort vnd Sachen / vnd allem was vns zu wissen nütz vnd not ist / desto kündiger vnd erfahner werden: 2. Das wir auch das/ was wir gelernet vnd erfahren haben/ desto besser ins Werck setzen können: 3. Vnd vnsern Nachkommenen auch damit dienen mügen. Wie S. Marconi Gebet lautet vnd lehret/ da er spricht: Domine, si populo tuo sum necessarius, non recuso laborem, fiat voluntas tua. Das ist: **DERRE**/so ich deinem Volck/ deiner lieben Kirchen Kanutz schaffen vnd dienen/ die arbeit wil ich mich nicht scheuen/ dein Will geschehe.

### Von der Schlacht der Machabeer mit des Timothei Kriegsheer / 2. Machab. 12.

Maccabeus ein trefflicher Eifferer vber dem Gesetz des HERN / rüstete sich mit den Juden / wider das grosse Heer des Timothei. Der wol hundert vnd ein vnd zwanzig Tausent/ vnd fünff hundert wolgerüster Mann beysammen hatte / dauon ihm Maccabeus/ durch hülff vnd beystandt des Allmechtigen/ wol dreissig Tausent Mann erleget hat.

Hier